

Vatan yagonadir,
Vatan bittadir!

№ 14 (67231)
2019-yil 8-aprel


Tong yulduzi

www.tongyulduzi.uz

Gazeta 1929-yil 1-avgustdan chiqqan boshlagan O'zbekiston Respublikasi bolalar va o'smirlar gazetasi ISSN-2010-6092

9-APREL – SOHIBQIRON AMIR TEMUR TAVALLUD TOPGAN KUN

O'N IKKI TUZUKNING SIRLARI



2-bet

QODIRIYDAN QOLGAN BOG'

Diqqat, tanlov!

O'zbekiston «Milliy tiklanish» demokratik partiyasi Toshkent shahar Kengashi tashabbusi bilan «Tong yulduzi» gazetasi hamkorligida umumta'lim maktablari o'quvchilari o'rtasida yoshlarning adabiyot va san'atga bo'lgan qiziqishlarini oshirish, iste'dodini yuzaga chiqarish, shuning barobarida bebaho ne'matimiz – yurtimiz mustaqilligi qadrini yanada yuksaltirishga qaratilgan «Mustaqillik mening tasavvurimda» nomli ko'rik-tanlovning Toshkent shahar bosqichi e'lon qilindi.

Iqtidorli yoshlarimizni ko'rik-tanlovda faol ishtirok etishga chorlaymiz.

Ma'lumot uchun telefon:
(71) 244-65-17
(71) 244-65-02

5-bet

To'lqin HAYIT,
O'zbekiston Respublikasida xizmat ko'rsatgan madaniyat xodimi

O'N IKKI TUZUKNING SIRLARI

Aziz o'quvchilar! Siz bilan «Temur tuzuklari»da o'z ifodasini topgan 12 ta tuzuk haqida so'z yuritamiz, zero, «Bilagi zo'r birni yiqar, bilimi zo'r - mingni», degan edi u zot.

Avvalo, «tuzuk» so'zining ma'nosiga e'tibor qarataylik.

Tuzuk – ko'p ma'noli so'z bo'lib, qayerda ishlatilishiga qarab har xil ma'noni anglatadi. «O'zbek tilining izohli lug'ati»da «qonun-qoidalar to'plami, nizom» ma'nolarini anglatishi ko'rsatilgan. Davlatshunoslikda esa tarixiy-huquqiy atama sifatida «tuzish, tartib berish, yaratishga oid qonun-qoidalar», demakdir.

Amir Temur bobongizning: «Men o'n ikki narsani o'zimga shior qilib, saltanat martabasiga erishdim», «O'n ikki tabaqa va toifadagi kishilar bilan mamlakatni qo'lda tutib, saltanatimni boshqardim», degan so'zlariga diqqat qiling. Bu shunchaki oddiy gap emas. Uning zamirida olamcha ma'no bor.

Yo'lbars. 4. Quyon. 5. Baliq. 6. Ilon. 7. Ot. 8. Qo'y. 9. Maymun. 10. Xo'roz (Tovuq). 11. It. 12. To'ng'iz.

Burjlarning har biri insonga ta'sir etadi, ayniqsa, shu oyda tug'ilganlar hayoti burjlar bilan bog'liq. Bu ming-ming yillar davomida sinovdan o'tgan, isbotlangan haqiqat, ya'ni ortiqcha izohga hojat yo'q.

Amir Temurning BIRINCHI KENGASHI ham nafaqat o'zi uchun, balki yurtimiz va o'zga ellar uchun ham muvaffaqiyat keltirgan edi, ya'ni u zot dushman bostirib kelganda, el-u yurtini tashlab qochishni o'zi uchun or bildi; katta sovg'a-salomlar bilan bosqinchi mo'g'ul sarkardalarining yo'lini to'sdi va Qarshi ahlini, necha ming begunoh kishilarning oltin hayotlarini, necha shahar, qishloq

Qonun, Inson Manfaati va uning E'zozlanishni ko'ramiz.

Beshinchi tamoyil ham uning davomi bo'lib, unda ZULM bo'lmasligi haqidagi gap asosiy o'rinni egallaydi. «Saltanat to'nini kiygach, huzur-halovatimdan voz kechdim», deydi. U zot xalq uchun, uning tinchligi va farovonligi uchun yashadi.

Oltinchi tamoyilda ham inson manfaatini birinchi o'ringa qo'yadi va: «Adolat va insof bilan Tangrimning yaratgan bandalarini o'zimdanda rozi qildim, zolimdan mazlumning haqqini oldim, askarlarimga in'omlar ulashdim», deydi.

Ajabo, yettinchi tamoyilda yana biz insonni ko'ramiz, ya'ni Sohibqiron Amir Temur: «Ulamo bilan suhbatda bo'ldim va pok niyatli, toza qalbli kishilarga talpindim», deya qayd etadi.

Sakkizinchi tuzukda ham oldingisiga bog'liqlikni ko'ramiz, ya'ni ishni zehn bilan bajarish, muomala

madaniyati, o'tmish sultonlarning tarixini bilish, davlatlarning tanazzulga uchrash sabablari, naslni buzuvchi holatlar; barisi inson manfaati, xalq, el-u yurt tinchligi va xavfsizligi haqida so'z boradi.

Va to'qqizinchi tuzukda ham yana xalq ahvoli, ularga g'amxo'r hokimlarni tayinlash masalasi o'z aksini topgan.

O'ninчисida tolerantlik, bag'rikenglik va do'stlik haqida so'z



yuritilgan, ya'ni «Kim menga do'stlik qilsa, qadrladim», degan.

O'n birinchi tuzuk ham yuqorigidan ayrilmagan, ya'ni bunda ham yana inson taqdiri birinchi o'rinda; farzandlar, qarindoshlar, yaxshilik qilgan kishilar, hatto dushmanlik, g'animlik qilgan kishilarga mehr-muruvvat ko'rsatish masalasi tilga olingan. Deydilarki, Sohibqiron «Shuning uchun do'st-u dushman bilan kelishib yashadim».

Va nihoyat, oxirgisi, o'n ikkinchi tuzuk ham inson haqida, ya'ni sipohlar haqida bo'lib, ularga bo'lgan munosabatini oydinlashtirgan. Agar dushman askari qilich ko'tarib, unga qarshi mardonavor kurashgan bo'lsa, uni ham oqlagan deganki, bunday askar o'z yurti bergan non-tuziga hurmat bilan qaradimi, demak, uni chin askar deyish mumkin, deb hisoblagan.

O'n ikki raqami bahona ancha suhbatlashib oldik, fikrlarimiz ham tiniqlashdi. Demak, Sohibqiron Amir Temur bobomiz qarorlar qabul qilishda havodan olib emas, balki aynan tabiat bilan uyg'un ravishda fikrlagan va harakatda bo'lgan.



«Oqsaroy»

Davomiga e'tibor qaratamiz:

Nega Sohibqiron bobongiz qirg aymoqdan faqatgina O'N IKKI-TASiga, ya'ni barlos, tarxon, arg'in, jalo'yir, tulkichi, do'liday, mo'g'ul, sulduz, to'qay, qipchoq, arlot, to'torga TAMG'A berdi?

Men Sizni fikrlashga chorlayapman. Chin o'zbek bolasi o'zini tez fikrlashga o'rgatishi kerak, chunki tezkor to'g'ri qaror qabul qilishga o'rganishning foydali tomonlari ko'p.

Yer quyosh atrofida aylanan ekan, O'N IKKI MANZILdan o'tadi. Biz ularni «BURJLAR» deymiz. MUCHALni yaxshi bilasiz. Bir eslab ko'raylik:

1. Sichqon. 2. Sigr (Ho'kiz). 3.

uylarining vayron bo'lishdan saqlab qoldi. Bu chinakam qahramonlik edi.

Ikkinchi tuzuk haqida so'z yuritdik. O'n ikki tabaqa toifa yordamida mamlakatni idora qildi.

Uchinchi shuki, hushyorlik, tadbirkorlik, sabr-toqat va muruvvatdir; Temurbek 9-10 yoshlarida ozar sho'iri Mahmud Shabustariyning «Gulshani roz» g'azallar to'plamidan bahramand bo'lgani uchun oradan o'ttiz-qirq yillar o'tib, Ozarbayjonga borganida, uning xotirasi uchun qabrini obod ziyoratga aylantirib, qishlog'i ahliga qariyb 20 kilo oltin hadya etib, muruvvat ko'rsatdi. Bunday misollar ko'p.

To'rtinchi tamoyilda ham biz



«Oqsaroyda taraddud»

Rassom Ma'sud XOLOV

Prezidentimiz Shavkat Mirziyoyev tomonidan bildirilgan har bir rahbar o'zining shaxsiy kutubxonasidan o'zi ta'lim olgan maktab kutubxonasiga kitoblar sovg'a qilishiga oid tashabbus respublikamiz bo'ylab keng quloqch yoymoqda.

BOLAGA KITOB BERING

SOHIBQIRON NABIRASIMIZ

Salom, sevimli gazetam! Senga obuna bo'lganim bois har soningda tengdoshlarimning maktablarida tashkillashtirilayotgan turli bayram va tadbirlar haqida o'qib boraman.

Bu safar esa men ham ta'lim dargohimizda amalga oshirayotgan ishlari haqida so'zlab bermoqchiman. Zero, ularni uyushtirishda men ham faol ishtirok etib kelmoqdaman. Axir maktabimizda Yoshlar ittifoqining «Iste'dodli yoshlar» yo'nalishi sardoriman-da! Maktabimiz yoshlar yetakchisi Shahnoza opa Bo'stonova boshchiligidagi turli sahna ko'rinishlarini tayyorlaymiz. Bu safar buyuk sarkarda bobomiz Amir Temur tavalludiga bag'ishlangan tadbirlarimiz qatoridan ajoyib bellashuv ham o'rin oldi. 8-sinf o'quvchilari o'rtasida uyushtirilgan musobaqada savollar, tabiiyki, bobomiz hayoti va «Temur tuzuklari» asari asosida bo'ldi. Bellashuvga tayyorgarlik ko'rish jarayonida anchayin adabiyotlarni o'qib, bilimimizni boyitdik.



Farangiz TOSHBULOVA,
Sirdaryo viloyati, Xovos tumanidagi
10-umumta'lim maktabining 8-«B» sinf
o'quvchisi

Toshkent shahar,
Uchtepa tumanidagi
197-umumta'lim maktabi
o'quvchilarining quvonchi
cheksiz. Boisi, bilim dargohi
kutubxonasi yangi badiiy
asarlar bilan boyitildi.

Ularga bu kitoblarni sovg'a qilgan «Oila» ilmiy-amaliy tadqiqot markazi rahbari Dilorom Toshmuhammedova bolajonlarning quvonchini ko'rib, shunday deydi:
– Turmush o'rtog'im va farzandlarim tahsil olgan maktab men uchun ham qadrdon go'sha hisoblanadi. Kelajakda ushbu maskandan yurtimiz ravnaqiga



hissa qo'shadigan yetuk insonlar yetishib chiqishiga aminman.

O'quvchilar tuhfa qilingan kitoblarni ko'rishga oshiqishar ekan, ularning rang-barangligi, jumladan, badiiy va ertak kitoblarning ko'pligidan minnatdor bo'lishdi.

Umid qilamizki, ushbu kitoblarni mutolaa qilib, ma'naviy olamini boyitadigan, tafakkurini charxlab, dunyoqarashini kengaytiradigan o'quvchilar Yurtboshimiz orzusidagi barkamol avlod bo'lib voyaga yetadi.

SHOIRNING BEBAHO TUHFASI



berilayotgan imkoniyatlarga havas qilsa arziydi. Bunday shart-sharoitlardan unumli, oqilona foydalanishingizni va bu kitoblarni qunt bilan o'qib chiqishingizni istayman.

Samarqand viloyati, Urgut tumanidagi 37-umumta'lim maktabida tahsil olgan shoir, O'zbekiston Milliy axborot agentligi Bosh direktori Abdusaid Ko'chimov 300 ga yaqin badiiy, she'riy kitoblar to'plamini maktab kutubxonasiga sovg'a qildi. Shu munosabat bilan tashkil qilingan tadbir o'z shoirini sog'ingan yosh ijodkorlar uchun bayram shodiyonasiga aylanib ketdi. Shogirdlar ustoz ijodidan namunalar o'qishdi.

– Davlatimiz rahbari ma'naviyatimizni boyitishga katta e'tibor qaratayapti, – dedi Abdusaid Ko'chimov. – Biz maktabda tahsil olgan paytlar imkoniyatlar hozirdagidek emas edi, ko'p vaqtimiz dehqonchilik va tirikchilik g'amida bo'lgan ota-onamizga ko'maklashish bilan o'tardi. Bugun sizlarga
Samarqand viloyati hokimi o'rinbosari, Xotin-qizlar qo'mitasi raisi Gavhar Alimova o'zi tahsil olgan Jomboy tumanidagi 16-umumta'lim maktabiga 50 dan ortiq badiiy adabiyotlar taqdim etdi.



HOKIMNING ZO'R SOVG'ASI



Barcha davrlarda bosma mahsulotlarga nodir va tengsiz xazina sifatida qaralgan. Kitobxonlik targ'ibotiga bugun yurtimizda amalga oshirilayotgan islohotlarda ham katta ahamiyat berilayotganini birgina maktabimizda o'tkazilgan kitobxonlik tadbiri misolida ham ko'rishimiz mumkin. Aprel oyi respublikamizda kitobxonlik oyiga aylanib ketdi, desak, adashmaymiz.

Kuni kecha ta'lim dargohimizga Toshkent shahar hokimi Jahongir Ortiqxo'jayev tashrif buyurdi. Aziz mehmon «Yosh kitobxonlar klubi» a'zolari bilan suhbatlashdi. Hokimimiz tomonidan taqdim etilgan besh yuz dona yangi kitoblar kitob javonlarimizni to'ldirdi. Bu uchrashuv maktabimiz o'quvchilari-
o'qituvchilarini behad quvontirdi. Shahar hokimi kelajakda yurtimiz ravnaqi uchun nimalar qilmoqchi ekanimiz bilan qiziqdilar. Biz esa orzu-maqсадlarimiz haqida so'zlab berdik. Biz kelajakda ana shu ezgu an'anani davom ettirishni niyat qildik. Zero, shoirimiz Zulfiya Mo'minova yozganlaridek, har bir avlod uchun kitobdan o'zga yaxshi sovg'a ham, meros ham bo'lmasa kerak.

**Navoiyni bilsin u,
Yoningizga kelsin u.
Baxtli bola bo'lsin u,
Bolaga kitob bering.**

Otabek ORTIQOV,
poytaxtimizning Shayxontohur
tumanidagi 169-umumta'lim
maktabining 9-«A» sinf o'quvchisi

SAMARQANDLIK ZIYOKORLAR

Samarqand viloyati hokimi o'rinbosari, Xotin-qizlar qo'mitasi raisi Gavhar Alimova o'zi tahsil olgan Jomboy tumanidagi 16-umumta'lim maktabiga 50 dan ortiq badiiy adabiyotlar taqdim etdi.



– Kitob o'qish eng sevimli mashg'ulotim, – deydi Samarqand viloyati, Paxtachi tumanidagi 15-umumta'lim maktabining 6-sinf o'quvchisi Vazira Mahmudova. – Boshlang'ich sinfdaligimda ertak kitoblar o'qishni, she'rilar yodlashni yaxshi ko'rgan bo'lsam, endilikda hikoyalar o'qishni boshladim. Kutubxonamizga Oliy Majlis qonunchilik palatasi deputati Farhod Quvvatov ham tashrif buyuribdi. Sovg'a qilingan kitoblar orasida hali men o'qimagan badiiy adabiyotlar juda ko'p ekan. Nurxonamizdan joy olgan durdonalar uchun barcha o'quvchilar nomidan minnatdorchiilik izhor etaman.

Shuningdek, Samarqand viloyati hokimi Erkinjon Turdimov Qo'shrabot tumanidagi 19-, 41- va 64-umumta'lim maktablarining har biriga 200 taga yaqin kitoblar sovg'a qildi.

O'z muxbirlarimiz

Odamlar oldida uyalishing yaxshi fazilat, ammo bundan ham afzali o'zing o'zingdan uyalishingdir.
L. N. TOLSTOY

Tong yulduzi

Ma'lumki, har bir xalqning faqat o'zigagina xos bo'lgan milliy hunarmandchilik an'analari mavjud. Bu an'analar yillar, asrlar mobaynida asrab-avaylab, sayqallanadi. Jumladan, bizning yurtimizda ham milliy hunarmandchilik an'analari, badiiy hunarmandchilik maktablari juda qadimdan taraqqiy topgan. Mohir hunarmandlarimiz tomonidan turli bejirim buyumlar yaratish, kundalik hayotda asqotadigan jihozlar tayyorlash, shu orqali o'z mehnati bilan o'ziga ham boshqalarga naf keltirish - oliy qadriyat darajasiga ko'tarilgan.

HUNARMANDLAR FESTIVALI BO'LDI

Kuni kecha O'zbekiston musulmonlari idorasi Ko'kaldosh o'rta maxsus islom bilim yurtida O'zbekiston «Milliy tiklanish» demokratik partiyasi Toshkent shahar Kengashi, O'zbekiston musulmonlari idorasi Ko'kaldosh o'rta maxsus islom bilim yurti, O'zbekiston «Hunarmandlar uyushmasi» Toshkent shahar boshqarmasi hamda boshqa tashkilotlar hamkorligida «Navro'zimdan nurafshon yurtim!» mavzusida hunarmandlar festivali bo'lib o'tdi. Bugungi kunda yurtimiz hunarmandlari 34 dan ziyod yo'nalishda buyumlar yaratishayotgan bo'lsa, mazkur ko'rgazmada ularning 15 ta yo'nalishi bo'yicha mohir hunarmandlar tomonidan yaratilgan buyumlar namoyish etildi.



Festivalda juda ko'p mehmonlar - xorijiy davlatlarning yurtimizdagi vakolatxonalar vakillari, chet ellik sayyohlar hamda o'quvchilar ishtirok etishdi. Mohir hunarmandlarimiz tomonidan ichki va tashqi bozor uchun ishlab chiqarilayotgan mahsulotlarning sifati, betakrorligi, badiiy jihatdan mukammalligi, tabiiyligi, milliy o'zligimiz va qadimiy an'analarni o'zida uyg'unlashtirgan yig'ilganlar e'tiborini tortdi.

Mehnat insonlarni boqadi, halollikka, mehnatsevarlikka o'rgatadi. Hunarmandchilik mahsulotlari ham mehnat mahsulidir. Ushbu ko'rgazmaga kelgan o'g'il-qizlarimiz qalbida ham milliy hunarmandchiligimizning biror yo'nalishiga mehr, ishtiyoq uyg'ongan bo'lsa, ajab emas. Zero, bu ko'rgazmani tashkil qilishdan ko'zlangan maqsad ham shu!

F. JALILOVA

«ZIRAPCHA» O'QUVCHILARGA KO'ZGU BO'LDI



Qiziq, maktab devoriy gazetalarini kim o'ylab topgan ekan-a? Ularni tanaffus vaqtida miriqib tomosha qilish, anchagina ma'lumot olish mumkin. Ayniqsa, sinfdoshlar bilan birga devoriy gazeta tayyorlab, boshqa sinflar bilan bellashish juda zavqli-da!

Men ham o'quvchiligimda bu borada faolligni qo'ldan bermasdim. Balki o'shanda jurnalistikka qiziqib qol-gandirman. Turli fanlarga oid buyuk siymolar hayoti va ijodiga bag'ishlangan devoriy gazetalarimiz orasida hazilomuz tarzda tayyorlangan «Tuyaqush» hamon yodimda. Unda maktabimizdagi sho'x-o'yinqaroq, to'polonchi tengdoshlarimizning suratlari shu jonivor ustiga qo'ndirib qo'yilardi. Bunday kulgili holatga tushishni esa hech birimiz istamasdik. Xullas, bugun sizlar bilan shu mavzuda suhbatlashsak, nima deysiz?



Sizing o'quv dargohingizda qanday devoriy gazetalar bor?

Yaqinda poytaxtimizning Yashnobod tumanidagi 226-umumta'lim maktabi o'quvchilari ta'lim maskanining ma'naviy-ma'rifiy ishlar bo'yicha direktor o'rinbosari Dilnoza Mamatova bilan birgalikda ajoyib devoriy gazeta tayyorlashibdi. Ustoz ko'pdan beri darsga kech qoluvchi-yu, uy vazifalarini bajarmaydigan ba'zi o'quvchilarni qanday qilib a'lochilar safiga qo'shish mumkinligi haqida o'ylanar ekan.

Shunday qilib, «Zirapcha» nomli gazetada bir nechta jonivorlar timsoli yaratilibdi. Suratda ko'rib turganingizday, undagi toshbaqa obrazi - maktabga kech qoluvchi bolalarni, ayiqpolvon - darsda uxlab o'tiradigan o'quvchilarni anglatar ekan. Qani, toping-chi, quyon va xo'roz timsolidagi bolalar kimlar? Ha, quyonvoy - «quyonning rasmini chizib» juftakni rostlaydiganlar, xo'rozboy - bilim olishni qoyil qilmaydi-yu, lekin xo'rozdek ko'krak keradiganlardir. Tovus, qurbaqa kabi jonivorlar nimani anglatishi haqida esa o'zingiz o'ylab ko'ring-chi... Xullas, bu devoriy gazetada o'z suratini ko'rishni istaydigan o'quvchi topilganicha yo'q. To'g'ri-da, hammayam «A'lochilar doskasi»dan o'rin olishga harakat qiladi. Bu ikki devoriy gazeta bejizga yonma-yon ilinmagan.

Shu desangiz, aslida sevimli gazetangiz «Tong yulduzi» ham sizga ta'lim-tarbiya berish barchangizni a'lochilar safigan o'rin oldirish, komil inson qilib voyaga yetkazishga xizmat qilmoq istagida. Demak, yana bir gapimizni takror aytgach, ezmaliikka yo'ymang, gazeta-yu kitob bilan do'stlashishdan tolmang, tengdoshlaringizdan orqada qolmang! Devoriy gazetani kim ixtiro qilgani haqidagi ma'lumotlarni topib, bizga jo'natish sizga uy vazifasi bo'lsin! Biz esa topshiriqni birinchilardan bo'lib bajarib, o'z ta'lim dargohidagi shunday ishlar haqida bizga yozib yuborganlarga munosib baho qo'yishni kanda qilmaymiz!

Sayyora QODIROVA

KICHKINTOYLAR OLQISH OLISHDI

Poytaxtimizning Yakkasaroy tumanidagi 125-sonli maktabgacha ta'lim muassasasida tuman MTMdan tashrif buyurgan jajji bolajonlarimiz ishtirokida tadbir bo'lib o'tdi.

Tadbirida kichkintoylarimiz nafaqat o'zbek, balki rus xalq ertaklarini ham qoyilmaqom tarzda ijro etishdi.

Ayniqsa, 125-, 250-MTM tarbiyalanuvchilari Damir Gusmanov, Jasur Hasanovning chiqishlari yig'ilganlarning olqishiga sabab bo'ldi. Bolajonlar 4 ta shart bo'yicha bellashdilar. Ular ijrosidagi sahna ko'rinishi, raqs, kuy va qo'shiqlar yig'ilganlarga quvnoq kayfiyat ulashdi. Tadbirni ko'tarinki ruhda tashkillashtirishda Yakkasaroy tumani MTM bo'limi mudirasi Saodat Norqobilovanning xizmatlari katta bo'ldi. Bellashuvda 249-, 250-MTM tarbiyalanuvchilari 1-o'ringa loyiq deb topildi. Bolajonlarning topqir va zukkoliklari tahsinga loyiq. Quvonarlisi, ular bog'cha tarbiyalanuvchilari bo'lishlariga qaramay ertak kitoblarni bemaol o'qishadi, she'rlar yod olishadi.

Nigora ABDUNAZAROVA



8-aprel 2019

10-APREL – ABDULLA QODIRIYNING TAVALLUDIGA 125 YIL TO'LADI

QODIRIYDAN QOLGAN BOG'



Aziz o'quvchilar, taniqli adib Abdulla Qodiriyning uy-muzeyida bo'lganmisiz? Uyga tutash bog'da sayr qilganmisiz? Poytaxtimizning Samarqand darvoza mahallasidagi to'qay va o'pqonlardan iborat bo'lgan bu joyni Qodiriy bobomiz o'z qo'llari bilan barpo qilgan ekanlar. Ko'pchilikni bu ma'lumot qiziqtirishi tabiiy. Axir ketmon bilan yer chopish qayda-yu, qalam bilan asarlar yozish qayda?! Manbalarda keltirilishicha, Abdulla Qodiriyning otasi Qodir bobo soqoli oqarib, qulog'li, quloqlari og'irlashib qolganiga qaramay, tetik, qadam tashlashi dadil bo'lgan. U erta bahorda yolg'iz o'zi yoki o'g'li Rahimberdi bilan sigir haydab boqqa ketar, kech tushgach esa bir bog' o't yoki o'tinni orqalab shahar hovlisiga ketar edi. 1924-yilda Qodir bobo 104 yoshida vafot etadi. Otasining vafotidan keyin hovli uch aka-uka orasida bo'linadi. Qodiriyning ikki akasi Quadratilla va Rahimberdiga uzumli bog' nasib etadi. Abdullaga esa... Keling, bu haqda Qodiriyning o'g'li Habibulla Qodiriyning yozgan xotiralari to'xtalsak:

«Dadam besh yil mehnat qildilar. Quyosh tig'ida oq qalpoq, oq kamzul kiyib olib, maxsichan tepa buzdilar. Zambilg'altakda tuproq tashib, chuqurlarni to'ldirib, yer tekisladilar. Qayrag'och to'nkalarini qazib yer ochdilar, tosh terdilar, o'zlari ham qop-qorayib cho'nkab ketgan edilar. Qiziq, u kishi shu zayl kuni bilan mehnat qilar edilar-da, kechqurun yuvini, kiyinib olgach, to kechlik taom tayyor bo'lguncha qo'llarini orqaga qilib kelib, ish tepasida to'xtab, bugungi qilgan ishlarini tomosha qilar, go'yo u kishi bugun zo'r asar yozganlar-u, o'zlari o'qib huzur qilgandek bo'lardilar...»

Shu alfoz xarob, tashlandiq yerlar tartibga solinib, atrofiga devor olindi, darvoza qurildi. Shaftoli, olma, gilos, tok, bedazorlarga va ekinzorlarga

joy ajratilib, chiroyli bir bog' va ichin-tashin oq tunkavonli binolar bunyod bo'ldi. Dadam shu bog'ni obod qilish davrida umuman so'nggi yillarda hech qayerda ishlamadilar, faqat ish kezarida «Mehrobdan chayon»ni va «Obid ketmon»ni yozdilar. Bizning asosiy hayot manbaimiz esa bog'dan, dehqonchilikdan oladigan mo'l hosilimiz bo'ldi...»

Bundan ko'rinib turibdiki, Abdulla Qodiriy nafaqat yozuvchilik, balki dehqonchilikdan ham yaxshigina xabardor bo'lganlar. Ayni damda, bog' gurkirab gullagan. Uning gullaridan atrofga xush iforlar taralmoqda. Salkam bir asrdan buyon adib barpo etgan bog' barchani totli mevalaridan bahramand qilib kelmoqda. Abdulla Qodiriyning

yo'zgan umrboqiy asarlari singari ushbu bog' ham hali ko'p yillar hosil berib, minglab yosh avlodni mevalaridan bahramand qilishi, shubhasiz...

Toshkentning Kamolon mahallasidagi Xo'ja Alambardor qabristonida Qodiriylar xilxonasi bor. U yerda Qodiriyning qabri yo'q. Lekin qabrtoshi bor. Uning ustiga to'rt misra she'r bitilgan:

*Har kimsaningkim baxti kulsa,
Xalqiga jon-u dil ila xizmat qilsa.
Lutf-u shohonaga sazovor bo'lg'ay,
Atrofi zar-u zevar ila to'lg'ay...*

Zozda TURSUNBOYEVA tayyorladi



KO'NGILLAR ORZUSI

Shunday insonlar borki, ko'zlari ojiz bo'lsa-da, qalb ko'zlari va bor imkoniyatlari bilan bilim olishga, kitob mutolaa qilishga intiladilar. Ana shunday kitobsevarlar tahsil olayotgan 77-maktab-internati va imkoniyati cheklanganlar uchun kasb-hunar kolleji o'quvchilari ishtirokida poytaxtimizdagi «San'at gulshani» madaniyat saroyida kitob bayrami bo'lib o'tdi.

Respublika markaziy ko'zi ojizlar kutubxonasi, Toshkent shahar ko'zi ojiz yoshlar markazi, O'ZKOJ Toshkent shahar bo'limi bilan hamkorligida o'tkazilgan tadbirda o'quvchilar o'zlari tayyorlab kelgan dasturni namoyish etishdi. Gulnoza Otajonova, Munira Voisova she'rlar aytib, Alouddin Musulmonov, Hayyom Abbosob esa qo'shiq kuylab, davraga fayz bag'ishladilar.

Tadbir davomida o'quvchilarga o'zlari o'qigan kitoblaridan savollar berildi, bilimdonlarga homiylar tomonidan esdalik sovg'alari taqdim etildi.

THE CODES OF TEMUR

It is better to be on hand with ten men than absent with ten thousand.

My word was matched by my action and I never showed no one callousness, I did not show the severity in any case, so as not to undergo anger. With friends and foes treated courteously ... If someone from friends or foes come to me with request, I spoke with friends that their friendship increased even more, and the enemies I had the attitude that their feud turned into a friendship.

One enterprising, courageous, brave, resolute and wise man is better than a thousand lazy and weak-willed. Thus one experienced better controls than thousands of people.



KNOWLEDGE QUOTES

The only true wisdom is in knowing you know nothing.

SOCRATES

A people without the knowledge of their past history, origin and culture is like a tree without roots.

Marcus GARVEY

USAGE OF BOTH

Both is used to refer two people or things.

Both + adjective + and + adjective

e.g. Nodir is both tall and handsome.

e.g. After a long day, workers are both tired and hungry.

Both + noun + and + noun or Both + plural noun

e.g. Nozima can speak both English and Russian.

e.g. Nozima speaks both languages.

Both of is more common in the US. We can use Both or Both of before a determiner and a plural noun. When we use Both (without of), we do not use the article the.

e.g. Both of my (determiner) pupils arrived late to class.

e.g. A prize was given to both of the students.

A prize was given to both students.

We need use the preposition OF before the noun, when using Both with an object pronoun.

e.g. Davron has invited both us. ❌

Davron has invited both of us. ✅

We do not use both in negative structure. Instead, we normally use Neither

e.g. Both of them did not come. ❌

Neither of them came. ✅

Muhammadsharif FAYZULLAYEV



Lesson 14

Turob YUSUF

SODIQ MUXLIS

Eshitganim
O'ngmi yoki tush?
Kelar emish
Polvon kalamush!

Sportchi-da
Axir, taniqli.
U kelishi
Chindan aniqmi?

Kelsa, peshvoz
Chiqib yo'lga.
Gul tutishim
Shart-da qo'lga.

... O'rtog'iga
Ko'nglin ochgancha,
Fikrin aytar
Muxlis sichqoncha.

QUYONGA SAVOL

Qanday qilib
Yugurgan chog'ing,
Xalal bermas
Shalpangqulog'ing?!

Abdujabbor OBIDOV

AYIQ

Men ayiqman, ayiqman,
Lopillagan qayiqman.

Yerni bosgum gursillab,
Yuguraman harsillab.

Yerga cho'ksam, qoyaman,
Kechasi tund soyaman.

Asalni xush ko'raman,
Shirinlikka xo'raman.

Chumoli uyasi ham,
Oziqqa o'tar har dam.

Qishda uyquga ketsam,
Bahorga uxlab yetsam.

Ungurlardan topasiz,
Lek ehtiyot bo'lasiz.

Gar uyg'onib o'kirsam,
Jag'ni kerib bo'kirsam.

Mayda hayvon-u qushlar,
Shu dam qochishni xushlar.

O'RDAK

Men o'rdakman, o'rdakman,
Qizil tumshuq hushtakman.
Pat ostida yog'im mo'l,
Hovuz bo'lsa yoki ko'l.
Balchiqni kavlab ostin,
Sho'ng'iyman qish-u yozin.
Chaynashga yo'qdir hojat,
Itbaliqdir zo'r ovqat.
Sovuq o'tmas etimdan,
O'rdakchalar ketimda.
Har qanday ob-u havo,
Yomg'ir, do'l, qorda hatto.
Suzganim suzgan suvda,
Shamol esgan g'uv-g'uvda.

AMIR TEMUR BOBOMLAR



Amir Temur bobomlar,
Jasur, ko'ngli osmonlar.
Mard bo'lib tug'ilganlar,
Bizga bobo bo'lganlar.

Bobomni suyuk qilib,
Bersam qancha mehlrlar.
Vatanim ozodligin,
Bergan aziz bobomlar.

Amir Temur bobomlar,
Mard va jasur bo'lganlar.
Adolat bayrog'ini,
Ko'kka ilib qo'rganlar.

Ismatillo RAJABOV,
Surxondaryo viloyati, Boysun
tumanidagi 45-umumta'lim makta-
bining 4-«V» sinf o'quvchisi



TOVLANIB TURAR KO'HDA

Kamalakdir turfa rang,
Qizil, sariq, yashil, oq.
Tovlanib turar ko'kda,
Kutaman uni mushtoq.

Ammo ushlab bo'lmaydi,
Qo'llarimni uzatsam.
Juda ham baland ekan,
Intiq bo'lib kuzatsam.

Husnida MUSTAFOYEVA,
Qashqadaryo viloyati,
Shahrisabz tumanidagi
22-umumta'lim maktabining
3-sinf o'quvchisi

TUZUKLARIDIR DUO

Xo'ja Ilg'or qalbinga jo,
Unda kezgan Temur bobo.
Tuzuklari misli duo,
El ko'ngliga sochar ziyo.



Jaranglaydi so'zlaringiz,
Dono o'g'il-qizlaringiz.
Adolatli zamonada,
Nurga to'lsin izlaringiz.

Shohruh QODIROV,
Oltinsoy tumanidagi 22-umumta'lim maktabining 5-sinf o'quvchisi

Buvam bilan guzardan qaytayotib, yerda yotgan bir tishlam nonga ko'zimiz tushdi. Buvam uni olib, changini puf lab og'izlariga solmoqchi edi, qo'llaridan tutdim.

– Buva, uyda nonimiz ko'p-ku, yerdagi nonni yemang... Buvam mening yalinchoqlik bilan tikilib turganimni ko'rib, miyig'ida kuldi:

– Changini puf lasa ketadi, – dedi ohista.

– Qo'ying, buva, tuproq tekkan non, kasal qiladi, – dedim qo'llariga yopishib. – Menga bering, bir chekkaga qo'yib qo'yaman.

– Yo'q, bolam, – dedi buvam boshimni dag'al qo'llari bilan silab.

– Nonning ushug'i ham non, uni uvul qilsa, yo-mon bo'ladi.

– Men buvamning uvul qilish kerak emas, deganini tushundim. Lekin yomon bo'ladi, degan gapiga tushunmadim. Mening hayron bo'lib turganimni ko'rib, qo'limdan tutdi.

– Mana, uyga ham kelib qoldik, – dedi xo'rsinib, – uyga kiraylik.

Buvim ayvonda choy ichib o'tirgan ekan, darrov o'rnidan turib:

– Kelinglar, yaxshi aylanib keldingizmi, buvasi? – deya istiqbolimizga chiqdi. – Ayvonga chiqing, yangi choy damlaganman. Issiqqina ichib olasizlar.

– Xo'p, – dedi buvam. Qo'limizni chayib, dasturxon-ga o'tirdik. Xontaxta ustida turli shirinliklar, pishiriqlar, somsa, kesilgan go'sht, patir, shirmoy nonlar bor edi.

– Mana, buva, qarang, – dedim kulib, – dasturxonimiz qanday to'kin.

Buvam xo'mraydi. Buvim esa mening kinoyamni tushunmay:

– Xudoga shukur, – dedi. – Ro'zg'orimiz but, dasturxonimiz to'kin.

– Ha, – dedi buvam bosh chayqab. – Ollohga shukur.

Bu hammasi Yaratganning saxovatidan, mehnatimiz sharofatidan. Olloh bergan ne'matlariga shukur qilib, uvul qilmasligimiz kerak.

– Albatta, – dedi buvim buvamga qarab. – Hamma narsaning uvoli bo'ladi.

– Biz qahatchilikni ko'rganmiz, – dedi buvam uzoq sukutdan so'ng. – Buvim bilan yangi oila qurgan edik. Yoshimiz. Urush endi tugagan. Yer bor, suv bor. Ammo ekishga donimiz, yeyishga nonimiz yo'q edi. Ustimiz yupun. Qornimiz och. Qo'shnimiz Mastura xola tandariga o't yoqqanini ko'rib, non yopar ekan, deya suyunganmiz. Lekin supra tagidagi bir kaft kepakni xamir qilib, bitta non uchun o't yoqqan ekan.

Bir bo'lagini bizga ham bergandi, esingdami buvisi?!

– Ha, esimda, – dedi buvim ma'yus tortib.

– Adashmasam, shu pechenyedan sal kattaroq edi, – dedi buvam dasturxonidan bir dona pechenyeni qo'lga olib.

– Ammo non kepakli bo'lsa ham o'shanda juda shirin tuyulgan edi, – deya buvim ko'zlariga yosh oldi.

– U kunlar endi qaytib kelmasin. Biz ko'rdik, sizlar ko'rmanglar, – dedi buvam ko'z yoshini artib. –

To'q zamonda to'q bo'lib o'singlar, nonni zinhor uvul qilmanglar.

– Buva, – dedim ularga yuzlanib, – haligi noningiz qani?

– Mana, – dedi buvam kaftini ochib. Kaftida bir tishlam non turardi.


– Buva, menga shu nonni bering, – dedim negadir qizarib, tovushim ham bo'g'ilib chiqdi. Buvam yuzimga qarab, yaxshilik alomatini sezdi.

– Mana, – dedi kulib.

Men buvamning kaftidagi bir tishlam nonni oldim-da, asta og'zimga soldim. Nazarimda, u juda shirin edi...

BIR TISHLAM NON

(Hikoya)



MARSELNING MAHORATI yoxud maktab-internat o'quvchisining quchgan zafari

Bolajonlar, ko'pchiligingiz sport bilan shug'ullanish uchun jismonan baquvvat bo'lish lozim, deb o'ylaysiz, shunday emasmi? Ammo bir tengdoshingiz asnosida o'zim anglagan bir haqiqatni aniq aytishim mumkin. Sportda biror natijaga erishish uchun havas va istakning o'zi yetarli emas. Buning uchun insondan kuchli ishtiyoq, chidam va bardosh talab qilinadi.

Lekin yetti muchasi sog'lom bo'la turib, g'ayrat-u shijoati jo'sh urmasa, u bola sportning biror turi bilan shug'ullanishiga ne hojat?!

Xullas, bugun sizni maxsus maktab-internatda tahsil olayotgan bir shaxmatchi tengdoshingiz va uning do'stlari bilan tanishtirish orqali o'zim anglagan haqiqatni

sizga bayon etmoqchiman.

Poytaxtimizning Olmazor tumanidagi 102-sonli zaif eshituvchi bolalar uchun ixtisoslashtirilgan maktab-internatda yurtimizning turli viloyatlaridan kelgan imkoniyati cheklangan bolalar ta'lim-tarbiya olishadi. Ular yaxshi eshita va so'zlasha olishmasa-da, bilim olishga bo'lgan ishtiyoqi, qiziqishlari borasida sog'lom tengdoshlaridan qolishmaydi. Shu bois, o'quv dargohida o'quvchilar qobiliyatini rivojlantirish maqsadida ko'plab to'garag-u seksiyalar faoliyati yo'lga qo'yilgan. Bundan tashqari, imkoniyati cheklangan bu tengdoshlaringiz Yaponiya biznes markazida tashkil etilgan

kompyuter kurslarida ham tahsil olishmoqda.

Chin dildan niyat, albatta, ijobat bo'ladi, degan fikrning to'g'riligiga esa mazkur ta'lim maskanining 6-«B» sinf o'quvchisi Marsel Shoyusupov misolida amin bo'lishimiz

mumkin. Marsel 2016-yil Isroilda bo'lib o'tgan shaxmat bo'yicha jahon chempionatida zaif eshituvchi sportchilar qatorida muvaffaqiyatli ishtirok etdi. So'ngra, Respublika miqyosida o'tkazilgan saralash musobaqalarida g'olib bo'lib, sog'lom bolalar bilan musobaqalashish imkonini qo'lga kiritdi. Bundan tashqari, yosh shaxmatchi sportning futbol turiga ham qiziqar ekan. Ushbu maskanda bugun Marseldek intiluvchan maktabdoshidan o'nak olayotgan o'quvchilar talaygina. Jumladan, «Raqs»

to'garagi a'zolari turli tadbirlarda faol ishtirok etishmoqda. Yosh musavvirlardan Salovat Annayev, Sarvinoz Murtazoyeva, Maftuna Mirzaaliyeva, Muhammad Shavkatov, Gulsanam Satiboldiyeva esa chizgan rasmlari bilan ko'pgina



ko'rgazmalarda qatnashib, g'olib bo'lishyapti.

Demak, xulosa sizdan, aziz o'quvchim!

Marsel va uning maktabdoshlariga esa, hamisha olg'a intiling, katta-katta maqsadlar bilan yashang, deb qolamiz!

Sayyora QODIROVA



VARRAKLAR PARVOZI

Yaqinda maktabimizda Yoshlar ittifoqi yetakchisi Sharafiddin Bekboyev tomonidan varrak uchirish tanlovi o'tkazildi. Tanlovda qiriq besh nafardan ortiq o'quvchilar qatnashdi. Bu tanlov o'quvchilarga zavq-u shavq bag'ishladi.



O'quvchilar o'zlarining varraklarini samolarga uchirdilar. Tanlovni hakamlar hay'ati O'rol Xudoyqulov, Baxtiyor Abdullayevlar baholab bordi. Tanlov shartiga ko'ra varrakni eng yuqoriga uchirgan o'quvchilardan 3-«B» o'quvchisi Asliddin Omonqulov 3-o'rinni, 3-«B» sinf o'quvchisi Sherzodbek Payzullayev 2-o'rinni, 5-«A» sinf o'quvchisi Mehribon Kenjayeva 1-o'rinni egalladilar. Bu tanlov o'quvchilarda katta taassurot qoldirdi.

Sunnatilla USANBOYEV,

Sirdaryo viloyati, Boyovut tumanidagi 34-umumta'lim maktabining tasviriy san'at fani o'qituvchisi

TAEKVANDACHILARIMIZ YURTIMIZGA 20 TA MEDAL BILAN QAYTISHDI

Malayziyaning Shax-alam shahrida taekvando ITF bo'yicha I Osiyo - Tinch okeani chempionati o'tkazildi.

Dunyoning 14 davlatidan kelgan 2000 ga yaqin sportchi qatnashgan ushbu musobaqada O'zbekistondan 14 nafar sportchi ishtirok etdi. Quvonarlisi, mamlakat terma jamoasi a'zolari 20 ta medalni qo'lga kiritish baxtiga musharraf bo'lishdi.

14 yoshli Nilufar Alloberdiyeva 40 kg vaznda sparring va tul bahslarida, Shahobiddin Oktyabrov 45 kg, Behruz Shaniyazov 40 kg hamda Abdujabbor Hamidullayev 40 kg vazn toifasida sparring bo'yicha 1-o'rinni egallashdi.

10 yoshli sportchilarimizdan Hojiakbar Hakimov

30 kg, Abrorbek Jumanazarov 36 kg vaznda sparring bahslarida g'oliblikni qo'lga kiritdi.

11 yoshli Xurshida Nosirova o'z vazn toifasida birinchilardan bo'ldi. G'oliblar orasida 7-8 yoshli sportchilarimizdan Omina Hamidullayeva, Muhammad Mustafoyev, Timur Raupov ham bor.

Abdurazzoq Hamidullayev, Nurbek Erkayev va Umidjon Omonovlar ham g'oliblar qatoridan joy oldi.

Hamyurtlarimizdan Ubayt Mukarramov, Javlon Asqarov va Zuhra Ergashevalarning musobaqada xalqaro toifadagi hakamlar tarkibidan o'rin olishi barchamizni quvontirdi.

ENG YAXSHI KURASHCHILAR SARALANDI

Yaqinda mamlakatimizning barcha hududlaridan 2003-2004-yillarda tug'ilgan o'smirlar va qizlarning 250 nafari milliy belbog'li kurash bo'yicha O'zbekiston kubogi musobaqasida o'zaro bellashdi.

Andijon viloyati, Xo'jaobod tumanidagi Bolalar va o'smirlar sport maktabida bo'lib o'tgan mazkur musobaqada o'g'il bolalar belbog'li kurash va erkin yo'nalishda o'n bir vazn toifasiga ko'ra, qizlar esa xuddi shu yo'nalishlarda

yettita vaznda o'zaro kuch sinashishdi.

Musobaqa yakuniga ko'ra, andijonlik kurashchi Ilyos Yoqubjonov, Toshkent viloyati vakili Diyorbek Xudoyberganov, hamda sirdaryolik sportchi Jahongir Eshqo'ziyev g'oliblikni qo'lga kiritdi. Qizlar o'rtasidagi bahslarda sirdaryolik Yulduz Abdullayeva, Xorazm viloyatidan Karomat Davletova barcha raqiblaridan ustun keldi va shohsupaning yuqoridan joy olishdi.

G'oliblar tashkilotchilar tomonidan taqdirlanishdi.

Nurbek QIDIRALIYEV




BO'SH O'TIRMAI, BOSH QOTIR!

Abdulla QODIRIYning 125 yilligiga

«USTOZ-ADIB» ADABIY TOPSHIRIQLAR

Avval quyida ta'riflari bayon etilgan atoqli o'zbek yozuvchisi Abdulla Qodiriyning hayoti va ijodiga mansub so'zlarni topib, shakldagi raqamli xonalardan boshlab eniga yo'nalishida yozing.

1. «Mehrobdan chayon» romanidagi Anvarning «Chin o'rtoq» bobida bayon etilgan do'sti.
2. Abdulla Qodiriy hamkorlikda bo'lgan otashin o'zbek shoiri.
3. Yozuvchi asarlarida bayon etgan o'tmish so'zining kitobiy atamasi.
4. Atoqli adib tahsil olgan shaharlardan biri.
5. Abdulla Qodiriyga davlatimiz tomonidan berilgan oliy nishon.
6. Ijodkor asarlarini e'lon qilishda ko'p bora qo'llagan taxallusi.
7. «Mehrobdan chayon» asaridagi bosh qahramon.
8. «O'tkan kunlar» romanidagi bosh qahramon.
9. Ijodkor ulug'lagan ilm va ma'rifat manbai.
10. Romandagi Kumushbibi otasining saroydagi amali.
11. «O'tkan kunlar» filmi rejissori.
12. Ijod sohibi aziz va muqaddas deb e'zozlagan diyor.
13. Abdulla Qodiriy padari buzrukvorining ismi.
14. Romandagi Ra'noning onasi.
15. Abdulla Qodiriy bilan hamfikir bo'lgan ma'rifatparvar ijodkor, atoqli olim.
16. Kino ekranida Yusufbek hoji siyomosini gavdalantirgan ustoz san'atkor.
17. Adibning ilk ijodidagi she'rlaridan biri.



Abdulla Qodiriy

Endi shakl aylanalaridagi harflarni bo'yiga yo'nalishida o'qish bilan Abdulla Qodiriyga berilgan ta'rifni bilib olasiz.

Shakl aylanalaridagi harflar juftini (birinchisi so'z, ikkinchisi harf tartibini anglatadi) yuqoridagi javoblardagi harflar bilan almashtirish orqali ijod sohibining o'g'li Habibulla Qodiriy qalamiga mansub xotira asarini bilib oling.

Tuzuvchi: Foziljon ORIPOV

KO'RKAM O'LKAM
(Tez o'qish)



Keldi ko'klam,
Kuldi olam –
Ko'krak kergan,
Kamalaklar.
Keng qanotli,
Kapalaklar.
Ko'rkiga ko'rk,
Qo'shgan ko'rsam.
Kurtaklari –
Ko'katlari.
Ko'kargan ko'p,
Ko'm-ko'k gilam,
Ko'rkam o'lkam –
Respublikam!

BARCHASI BOL

Bu bog'ning
bog'boni bobom,
Barchasi bor:
behi, bodom...
Bog'larda bahor,
beg'ubor –
Bolarilar
beradi bol.



Anvar MIRZAZODA

TOPISHMOQLAR



Sinonimi –
zarur, darkor,
Minordan ham
o'sar bo'ydor.

Butunning bo'lagi,
parchasi,
Shaffof, sof va
zilol barchasi.



Daraxtda yetilar
hosili,
Bir elatning o'zga
xos tili.

To'qir undan
shoyi, atlas,
«Sariq iblis»
oti, xullas.

Chaqiruv, undov,
da'vat,
Bebaho boylik,
davlat.

Ravshan ISOQOV

Tong yulduzi
Muassis:
O'zbekiston Respublikasi
Xalq ta'limi vazirligi

Bosh muharrir
Feruz A DILOVA

Gazeta O'zbekiston
Matbuot va axborot
agentligida
0208-raqam bilan 2007-yil
2-fevralda ro'yxatdan
o'tgan.

TAHRIR HAY'ATI:
Qahramon QURONBOYEV,
Dilshod KENJAYEV,
Murtazo SULTONOV,
Feruz JALILOVA,
Ashurali JO'RAYEV
(Bosh muharrir o'rinbosari),
Feruz MATYOQUBOV
(mas'ul kotib)

Navbatchi muharrir
Axtamqul KARIMOV

Rassom
Feruzbek KAMOL o'g'li

Sahifalovchi-dizayner
Shaxobiddin
MAXMADIYEV

«O'zbekiston» NMIU bosma-xonasida chop etildi.
Gazetaning poligrafik jihatdan sifatlil chop etilishiga bosmaxona mas'ul.
Manzillimiz bosmaxona manzili:
Toshkent shahri, Navoiy ko'chasi,
30-uy. Indeks: 100011.
Obuna indeksi: 198.
www.tongyulduzi.uz
e-mail: tongyulduzi1929@gmail.com
telegram: t.me/tongyulduz
Adadi - 11612
Buyurtma - V 3289

Tahriryatga kelgan barcha qo'lyozmalar tahrir qilinadi, mualliflarga qaytarilmaydi.
Gazetaning yetkazib berilishi uchun obunani rasmiylashtirgan tashkilot javobgar.
Shakli A-3, 2 bosma taboq.
Bahosi kelishilgan narxda.
Gazeta haftaning dushanba kuni chop etiladi.
Topshirish vaqti - 18:00
Topshirildi - 18:00
Tel./faks: (99871) 244-63-08